

SCRIPT OF MORNING GOJRI NEWS BULLETIN 26JUNE 1015

HRS

ما رنینگ گو جری نیوز بلیٹن مورخہ 26 جون 2025

یوہ آکا شوانی جموں بے عبدالرحمان تیں خبر سُنو۔

AXIOM 4 MISSION

ایگسم 4 میشن جس مانہ بھارتی خلا باز شہاناشو شکلا شاملہیں اج دوبیر بین العقوامی خلائی سٹیشن تیں جڑ جیں گا اسرو غے مطابق یوہ ڈاکنگ بھارتی وقت غے مطابق شام 4 بج گئے 30 منٹ بے جسراں ہی خلا مانہ اسرو تیں جڑاو مکمل وے غو گروپ کپتن شکلا ناسا غا مداد مانہ موجود لیباٹری مانہ جان آلا پہلا بھارتی خلا باز بن جئیں غا۔ یے کل دوپہر غا بھارتی وقت غے مطابق 12 بج غے 1 منٹ ور ناسا گا کنیڈی اسپیس سینٹر فلوریڈا تیں روانہ ہوا تھاشگروپ کپتن شہاناشو شکلا جہڑا کہ ایگزیم چار میشن غے تحت عالمی خلائی سٹیشن آئی ایس ایس غی طرف سفر کر رہیا ہیں خلا مانہ جان آلا دوجا بھارتی بن گیا ہیں ایگزام چار ٹیم مانہ ناسا غی سابقہ خلا باز امریکہ تیں پیگی ویٹسن پولینڈ تیں سلاووس اڈنانسکی ویز نیو سکی تے بنگری تیں ٹیوبوز کاپو وی شامل ہیں کل پرواز غے کُج منٹاں بعد گروپ کپتن شکلا نے اپنا ہم وطنان واسطے ایک پیگام دتو اُنہاں نے کہیو جے ہم 41 سال بعد خلا واپس آیا ہیں تے یوہ ایک شاندار سفر بے آکاشوانی غانمائندہ نے رپوٹ دتی بے جے وزیر اعظم نریندر مودی نے اس کامیاب پرواز غو خیر مقدم کیو تے کہیو جے گروپ کپتن شکلا 1 ارب 40 کروڑ بھارتی لوکاں غی خواہشات اُمیداں تے خواباں غے سنگ یوہ سفر کر رہیا ہیں۔

SATISH SANJAY

خوارک سول سپلائز تے امور سارفین غا وزیر ستیش شرما نے آن آلی شری امرناتھ ضی یاترہ 2025 غا تناظر مانہ کل پالتالی بنایدی کیمپ غو دورو کیو تانجے اس سالانہ یاترہ غو جائیزو لیو جاسکے اپنا دورہ غے دوران وزیر موصوف نے لنگر آلاں یاتریاں تے دوجا متعلقہ افراد واسطے ضروری اشیاء غی دستیابی تے زخیرہ غو جائیزو لیو بعد مانہ وزیر موصوف ستیش شرما نے سونا مرگ مانہ بکھ بکھ محکماں غ افسراں غے سنگ ایک میٹنگ کی صدارت کی تانجے یاترہ غی تیاریاں گو مجموعی جائزہ لیو جاسکے اس میٹنگ مانہ وزیر موصوف نے یاتریاں واسطے دستیاب ٹرانسپورٹ تے دوجی ضروری سہولیات غو وی جائیزو لیو۔

ITOO SED REVIEW

وزیر تعلیم سکینہ اتو نے کہیو بے جے ہر بچہ نانہ چاہے وے کسے وی سماجی اقتصادی پس منظر یا جغرافیائی مقام سنگ تعلق رکھتو وے اس نانہ تعلیم توڑی رسائی حاصل ہو نی چاہے یاہ گل اُنہاں نے کل سول سیکرٹریٹ سرینگر مانہ محکمہ سکولی تعلیم غی کارکردگی تے کم کاج غا جائزہ واسطے منعقد ایک اعلیٰ سطحی میٹنگ غے دوران وزیر تعلیم محترمہ سکینہ اتو نے تعلیمی نتائج ٹہانچائی تیاریاں سائزہ غی کارکردگی انسانی وسائل گا انتظامات تے بکھ بکھ تعلیمی سکیمیں جس طرح کہ سماگرہ شکشا پیام پوشن یعنی دوپہر غو کھانو نوو بھارت کواندگی پروگرام تے پی ایم شری وغیرہ غا نفاذ گو مربوط جائیزو لیو وزیر موصوفہ

نے احتساب شفافیت سے نتائج ور مبنی حکمت عملیاں غی ابمیت ور زور دتو تانجے جموں کشمیر مانہہ تعلیم غا معیار نانہہ بہتر بنایو جاسکے۔

CSDMRRR

چیف سیکرٹری اٹل ڈلو نے کل محکمہ آفات سماوی رلیف بحالی سے تعمیر نو غی دوجی ریاستی عملی کمیٹی ایس ای سی غی میٹنگ غی صدارت کی تانجے قدرتی آفات سنگ نمٹن بارے تیاریاں سے ریاستی آفات تیں بچاؤ فنڈ ایس ڈی آر ایف غا استعمال سے مختص رقم غو جائیزو لیو جاسکے سول دفاع نانہہ مضبوط بنان واسطے ایسن ایس سی نے 1 کروڑ 72 لکھ روپیہ واگزار کرن غی منظوری دتی تانجے کمانڈنٹ جنرل سول دفاع غی تیاری سے سادہ ضلعان مانہہ سائرن سے جزیٹڈ واسطی صلاحیت مانہہ آضافہ نانہہ یقینی بنایو جاسکے ریاستی عملی کمیٹی ایس ای سی نے ڈائریکٹر جنرل پولیس نانہہ کمیٹی مبر بطور از روئے منصب نامزد کرن ور وی گور کیو۔

PM MKB

وزیر اعظم نریندر مو دی 29 جون نانہہ آکاش وانی ور من کی بات پروگرام مانہہ ملک سے بیرون ملک رہ رہیا بھارتی شہریاں سنگ اپنا خیالات سانجہ کریں گایاہ ماہوار ریڈیو پروگرام غی 123 ویں قسط وے غی۔ لوگ ٹول فری نمبر 1800117800 ور کال کر غے اپنا خیالات سے مشورہ سونپ سکیں۔ اس توں علا وہ نریندر مو دی ایپ یاہ فر مائی گوو اوپن فورم ور وی اپنا خیالات سے تجویز روانہ کی جا سکیں۔ یہ تجویز اس مہینہ غی 27 تاریخ توڑی ہی قابل قبول کیا جئیں غا۔

PROG ANNO

علاقائی خبراں آلو شعبو آکاش وانی جموں 26 جون 2025 نانہہ بیروار آلے تہاڑے دوپہر 12 بجے منشیات گا استعمال سے غیر قانونی تسکری گے خلاف عالمی تہاڑا گا موقع ور ایک خصوصی پروگرام نشر کرے گو اس پروگرام مانہہ مہارا مہمان جموں کشمیر تیں منشیات مخالف ایس ایس پی محمد نواز الحق سے جموں یونیورسٹی گا شعبہ نفسیات کی سابقہ سربراہ آرتی بخشی وین گی سے اس پروگرام کی میزبانی کریں غا مارا اینکر جگموہن شرما۔ یوہ پروگرام آکاش وانی جموں توں میڈیم ویو 303 میٹر یعنی 990 کلو ہٹز سے ایف ایم 100 اشاریہ 3 میگا ہٹز ور نشر کیوجے غو۔

INT'L DAY AGAINST DRUGS

اج دنیا بھر مانہہ منشیات غا غلب استعمال سے غیر قانونی کاروبار غے خلاف عالمی دن منایو جا رہیو ہے اس دن غو مقصد منشیات تیں پاک معاشرہ نانہہ بنان واسطے اقدامات سے بین العوامی تعاون نانہہ مضبوط کرنو ہے۔ بھارت مانہہ اس موقعور نوی دہلی غا ڈاکٹر امبید کر انٹرنیشنل سینیٹر مانہہ ایک مرکزی تقریب منعقد ہو رہی ہے جس مانہہ سماجی انصاف و اختیارات غا مرکزی وزیر مملکت بی ایل ورما مہمان خصوصی وین گا۔

SAMVIDHAAN HATYA DIWAS

جون 1975 نانہہ ایمرجنسی غا نفاذ غی یاد مانہہ کل گورنمنٹ ڈگری کالج آڈیٹوریم کشتواڑ 25 مانہہ سمویدھان ہتیہ دیوس غا عنوان سنگ ایک یاد گاری تقریب منعقد ہوئی ڈپٹی کمشنر

کشتواڑ پنکج شرما جھیڑا اس موقعور مہمان خصوصی تھا نے اس تقریب غی قیادت کی تے
اُن افراد نانہہ خراج عقیدت پیش کیو جنہاں نے اُس نازک دور مانہہ جمہوری اقدار غو دفاع
کیو اسے دوران سمویدہان ہتیہ دیوس بہدرواہ رام بن دودہ تے ادھمپور مانہہ وی منایو گیو۔
